

ODLUKU
O VISINI TARIFNIH STAVOVA KJKP "TOPLANE - SARAJEVO" D.O.O. SARAJEVO

I

Na osnovu Tarifnog sistema za isporuku toplotne energije toplifikacionog sistema davaoca usluge KJKP "Toplane - Sarajevo" d.o.o. Sarajevo, kojim su određene kategorije korisnika tarifnih grupa i metodologija obračuna isporučene toplotne energije, utvrđuje se Visina tarifnih stavova modela, utvrđene visine cijene centralnog grijanja za KJKP "Toplane - Sarajevo" d.o.o. Sarajevo, stvarnu cijenu komunalne usluge određuje i usvaja Vlada Kantona Sarajevo, kako slijedi:

KATEGORIJE PROSTORA	Jedinica mjere	Tarifni stavovi	Visina tarifnih stavova (cijene)	Fakturise se
1	2	3	4	5
1. OBJEKTI BEZ MJERENJA TOPLOTNE ENERGIJE				
1.1. Korisnici - domaćinstva				
Domaćinstva - cijena za jedinicu isporučene energije	KM/m ²	Ts1	1.3641	7 mjeseci
Domaćinstva - cijena za jedinicu priključne snage	KM/ m ²	Ts2	0.5498	12 mjeseci
1.2. Korisnici - poslovni prostori				
Poslovni prostor - cijena za jedinicu isporučene energije	KM/ m ²	Ts4	2.5244	7 mjeseci
Poslovni prostor - cijena za jedinicu priključne snage	KM/ m ²	Ts5	0.9348	12 mjeseci
2. OBJEKTI SA UGRADENIM MJERAČIMA				
2.1. Stambeni objekti sa ugrađenim mjeračima u kolektivnom stanovanju				
Domaćinstva - cijena za jedinicu isporučene energije	KM/kW h	Ts3	0.0723	kad se troši
Domaćinstva - cijena za jedinicu priključne snage	KM/ m ²	Ts2	0.5498	12 mjeseci
2.2. Poslovni objekti sa ugrađenim mjeračima u kolektivnom stanovanju				
Poslovni prostori - cijena za jedinicu isporučene energije	KM/kW h	Ts7	0.1014	kad se troši
Poslovni prostori - cijena za jedinicu priključne snage	KM/ m ²	Ts5	0.9348	12 mjeseci
2.3. Poslovni samostojeći objekti sa ugrađenim mjeračima				
cijena za jedinicu isporučene energije	KM/kW h	Ts7	0.1014	kad se troši
cijena za jedinicu priključne snage	KM/kW	Ts6	5.4567	12 mjeseci
3. SPECIFIČNI OBJEKTI SA MJERAČIMA				
cijena za jedinicu isporučene toplotne energije - linearno (specifični kupci)	KM/kW h	Ts8	0.1268	kad se troši
4. ISKLJUČENI KORISNICI				
4.1. Isključeni korisnici u kolektivnom stanovanju				
4.1.1. Domaćinstva	KM/ m ²	Ts1	0.5498	12 mjeseci
4.1.2. Poslovni prostor	KM/ m ²	Ts4	0.9348	12 mjeseci
4.2. Isključeni poslovni prostori u poslovnim objektima (tržni centri i slično)				
4.2.1. Poslovni prostor	KM/ m ²	Ts7	0.7011	12 mjeseci
4.2.2. Poslovni prostor (kW)	KM/kW	Ts10	4.0925	12 mjeseci
4.3. Isključeni korisnici u nizu				
4.3.1. Domaćinstva	KM/ m ²	Ts2	0.2750	12 mjeseci
4.3.2. Poslovni prostor	KM/ m ²	Ts5	0.4672	12 mjeseci
4.3.3. Poslovni prostor	KM/kW	Ts8	2.7283	12 mjeseci
4.4. Isključeni slobodnostojeći objekti (u slučaju rezervacije kapaciteta)				
4.4.1. Pojedinačne stambene kuće	KM/ m ²	Ts3	0.1375	12 mjeseci

4.4.2. Poslovni objekti	KM/ m ²	Ts6	0.2337	12 mjeseci
4.4.3. Poslovni prostor (kW)	KM/kW	Ts9	1.3642	12 mjeseci

Cijene su bez PDV-a.

II

Za realizaciju ove Odluke zadužuje se davalac usluge KJKP "Toplane - Sarajevo" d.o.o. Sarajevo.

III

Danom stupanja na snagu ove Odluke, prestaje da važi Odluka o visini tarifnih stavova za KJKP "Toplane - Sarajevo" d.o.o. Sarajevo, broj 02-05-20105-2/17 od 31.05.2017. godine ("Službene novine Kantona Sarajevo", broj 22/17).

Do stupanja na snagu ove Odluke primjenjivat će se Odluka o visini tarifnih stavova za KJKP "Toplane - Sarajevo" d.o.o. Sarajevo ("Službene novine Kantona Sarajevo", broj 34/16).

IV

Ova Odluka stupa na snagu danom donošenja i objavit će se u "Službenim novinama Kantona Sarajevo", a primjenjivat će se od 01.08.2017. godine.

Broj 02-05-21789-1/17
21. juna 2017. godine
Sarajevo

Premijer
Edmedin Konaković, s. r.

Ministarstvo privrede

Na osnovu člana 81. stav (2) Zakona o turizmu ("Službene novine Kantona Sarajevo", broj 19/16), ministar privrede Kantona Sarajevo donosi

PRAVILNIK

O EVIDENCIJI KORISNIKA USLUGE NOĆENJA

Član 1.

(Predmet Pravilnika)

Ovim pravilnikom propisuje se oblik i sadržaj obrasca prijave i odjave korisnika usluge noćenja Turističkoj zajednici Kantona Sarajevo (u daljem tekstu: Turistička zajednica), obveznik prijave i odjave turista i način vođenja popisa turista na području Kantona Sarajevo (u daljem tekstu: popis turista).

Član 2.

(Oblik i sadržaj obrasca prijave i odjave turista)

- (1) Obaveza prijave i odjave svih lica kojima se pruža usluga noćenja u smještajnom objektu propisana je u članu 81. Zakona o turizmu ("Službene novine Kantona Sarajevo", broj 19/16).
- (2) Prijava i odjava turista Turističkoj zajednici obavlja se na obrascu prijave i odjave turista (u daljem tekstu: obrazac POT), koji je sastavni dio ovog pravilnika.
- (3) Obrazac POT sastoji se iz dva dijela. Prvi dio je prijava i odjava turista, a drugi dio potvrda o izvršenoj prijavi i odjavi turista.
- (4) Podaci u prijavi i odjavi turista upisuju se na osnovu podataka iz lične karte, odnosno putne ili druge isprave o identitetu turista.
- (5) Potvrdom o prijavi boravka turista obavlja se i odjava.
- (6) Drugi dio obrasca POT odnosno potvrdu o izvršenoj prijavi i odjavi turista iz stava (3) ovog člana Turistička zajednica ovjerava potpisom ovlaštenog lica i pečatom i istu daje obvezniku prijave i odjave iz člana 3. ovog pravilnika, a prvi dio obrasca POT zadržava za svoje potrebe.
- (7) Ministarstvo privrede Kantona Sarajevo i Turistička zajednica Kantona Sarajevo su dužni postaviti obrazac POT u obliku elektronskog formulara na svojim Internet stranicama i omogućiti njegovo printanje obvezniku prijave i odjave iz člana 3. ovog pravilnika.
- (8) Obrazac POT se popunjava štampanim slovima i čitko, a podnosi se u pismenoj formi ličnom predajom ili poštom preporučeno.

Član 3.

(Obveznik prijave i odjave turista)

Obveznik prijave i odjave turista Turističkoj zajednici je:

- a) pravno ili fizičko lice koje pruža uslugu noćenja u smještajnom objektu i
- b) fizičko lice koje pruža usluge smještaja u domaćinstvu i seoskom domaćinstvu.

Član 4.

(Način vođenja popisa turista)

- (1) Turistička zajednica vodi popis turista za lica za koja je propisana obaveza prijave i odjave turista Turističkoj zajednici.
- (2) Popis turista vodi se posebno za svako pojedino pravno ili fizičko lice koje:

- a) pruža uslugu noćenja u smještajnom objektu i
- b) pruža usluge smještaja u domaćinstvu i seoskom domaćinstvu.

- (3) Upisivanje podataka u popis turista obavlja se na osnovu podataka iz prijave i odjave turista, odnosno obrasca POT.
- (4) Popis turista vodi se u obliku kartoteke, koju čine listovi obrasca POT.

Član 5.

(Stupanje na snagu)

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 07-01-02-20435/17

20. juna 2017. godine

Sarajevo

Ministar

Dr. Muharem Šabić, s. r.

Obrazac POT

EVIDENCIJA KORISNIKA USLUGE NOĆENJA

Turistička zajednica Kantona Sarajevo	
Naziv/prezime i ime obveznika prijave i odjave turista	
Adresa, telefon i e-mail obveznika prijave i odjave turista	
ID broj/JMBG	
Redni broj: _____	
PRIJAVA I ODJAVA TURISTA	
Prezime	
Ime	
Datum i mjesto rođenja	
Državljanstvo	
Vrsta i broj isprave o identitetu	
Adresa prebivališta (boravišta)	
Datum prijave	
Datum odjave	
Napomena	
M.P. _____ (Potpis podnosioca prijave)	
Turistička zajednica Kantona Sarajevo	
POTVRDA O PRIJAVI I ODJAVI TURISTA	
Redni broj: _____	
Prezime	
Ime	
Državljanstvo	
Adresa prebivališta (boravišta)	
Datum prijave	
Datum odjave	
Napomena	
M.P. _____ (Potpis ovlaštene osobe)	